

**CONVENIO DE COLABORACIÓN ENTRE A VICEPRESIDENCIA E
CONSELLERÍA DE PRESIDENCIA, ADMINISTRACIÓNS PÚBLICAS E
XUSTIZA E O FONDO GALEGO DE COOPERACIÓN E SOLIDARIEDADE,
PARA A EXECUCIÓN DO PROXECTO "20 ANOS A FONDO COA
SOLIDARIEDADE".**

Santiago de Compostela, a 31 de xullo de 2017

REUNIDOS

Dunha banda, Alfonso Rueda Valenzuela, Vicepresidente e Conselleiro de Presidencia, Administracións Públicas e Xustiza, actuando en nome e representación da Xunta de Galicia, en virtude do Decreto 148/2016, do 13 de novembro, polo que se nomean os titulares dos departamentos da Xunta de Galicia, no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa presidencia"

E doutra parte, Juan Antonio González Pérez, na súa calidade de Presidente do Fondo Galego de Cooperación e Solidariedade, (NIF G15629629), asociación sen ánimo de lucro, legalmente constituída e inscrita no Rexistro Central de Asociacións da Comunidade Autónoma co número 2004/007565-1 (56), e que intervéñ neste acto por conta e en representación da devandita Asociación en exercicio das facultades que ten atribuídas segundo o artigo 23 dos seus Estatutos.

As partes comparecentes recoñécense mutuamente plena lexitimación, capacidade e representación para a sinatura do presente convenio e, a estes efectos,

EXPOÑEN

Primeiro.- Que a Xunta de Galicia, de acordo co recto exercicio das súas competencias e funcións en materia de cooperación exterior, debe fomentar a cooperación a favor dos países en vías de desenvolvemento entre os diferentes axentes de cooperación galegos, promovendo especialmente a participación do sector empresarial, a universidade e as entidades locais.



Segundo.- O Fondo Galego de Cooperación e Solidariedade (en adiante, Fondo Galego) é unha entidade plural que agrupa a noventa Concellos e ás Deputacións da Coruña, Lugo e Pontevedra, comprometidos coa idea de cooperar en Galicia para ser máis eficaces na cooperación cos terceiros países, e que persegue impulsar un maior compromiso de cooperación ao desenvolvemento das Entidades Locais, nun marco máis estable e permanente. O Fondo Galego constitúese no ano 1997, produto da vontade integradora, desde unha dimensión galega, das políticas de cooperación ao desenvolvemento no ámbito da Cooperación oficial descentralizada, neste caso desde a Administración Local Galega. Desde o ano 2003 a Xunta de Galicia, a través do centro directivo con competencias en materia de cooperación ao desenvolvemento, ven traballando co Fondo Galego en numerosos proxectos de cooperación, tanto no ámbito da sensibilización da poboación galega como en proxectos de cooperación ao desenvolvemento no exterior.

Terceiro- O Fondo Galego ten por obxecto fundamental configurar un instrumento legal que permita a confluencia e a asociación das vontades libremente expresadas polos seus asociados para desenvolver unha eficaz política de cooperación e de solidariedade dos e das cidadáns dos concellos e provincias de Galicia cos pobos empobrecidos.

Cuarto.- A Lei 3/2003, do 19 de xuño, de cooperación para o desenvolvemento establece como prioridades en materia de sensibilización e educación para o desenvolvemento a concienciación da opinión pública en materia de cooperación ao desenvolvemento, a difusión nos ámbitos educativos do coñecemento da realidade dos países empobrecidos e da cooperación para o desenvolvemento, o fomento da investigación en materia de desenvolvemento co fin de fortalecer e abrir novas vías de cooperación e a potenciación dos axentes de cooperación ao desenvolvemento de Galicia a fin de crear unha rede de solidariedade na nosa sociedade.

Quinto.- A Dirección Xeral de Relacións Exteriores e coa UE, órgano superior da Administración autonómica da cooperación ao desenvolvemento consonte o establecido no artigo 32 do Decreto 11/2015, do 5 de febreiro, polo que se modifica o Decreto 72/2013, do 25 de abril, polo que se establece a estrutura orgánica da Vicepresidencia e da Consellería de Presidencia, Administracións Públicas e Xustiza, considera axeitado e conveniente contribuír ao fortalecemento desta organización en canto organismo de referencia da Cooperación Galega, non soamente para os axentes implicados na



cooperación senón tamén para outros movementos sociais da nosa Comunidade Autónoma, apoiando e incentivando as iniciativas dos concellos e deputacións provinciais que agrupa no ámbito da cooperación ao desenvolvemento, en especial nas áreas de sensibilización e concienciación da sociedade galega.

A singularidade deste proxecto ven determinada polas accións de fortalecemento da propia organización e as accións de sensibilización e concienciación que proxecta levar a cabo no ano 2017, dando continuidade ás liñas de traballo iniciadas nos anos anteriores. Neste ano o obxectivo principal seguirá a ser o de fortalecer a solidariedade municipalista galega.

A especificidade das actividades obxecto do proxecto, que son de claro interese público e inciden directamente no ámbito da cidadanía en xeral, a natureza da entidade solicitante, creada co apoio da Federación Galega de Municipios e Provincias e da Administración Autonómica, segundo se recolle na parte expositiva da Lei 3/2003, do 19 de xuño, de cooperación para o desenvolvemento, e que actúa de canle coordinadora da actuación por parte do municipalismo galego neste ámbito da cooperación, así como a utilidade que a posta en marcha deste proxecto significa para a cooperación en todo o ámbito xeográfico da Comunidade Autónoma de Galicia, xustifican que a axuda solicitada se tramite por medio dunha concesión directa a través da formalización dun convenio de colaboración.

Sexta.- Que por isto acordan asinar o presente documento que se desenvolverá de acordo coas seguintes

CLÁUSULAS

PRIMEIRA.- Obxecto.

O presente convenio ten por obxecto establecer as condicións polas que se rexerá a colaboración entre a Vicepresidencia e Consellería de Presidencia, Administracións Públicas e Xustiza e o Fondo Galego no proxecto denominado "20 anos a fondo coa solidariedade".

O proxecto ten como obxectivo o incrementar desde o local, a sensibilización da sociedade galega en torno ás desigualdades Norte- Sur, mediante a



realización das actuacións que se describen no anexo que se xunta como parte integrante do presente convenio.

SEGUNDA.- Obrigas do Fondo Galego .

O Fondo Galego deberá:

1. Executar o proxecto referido na cláusula primeira
2. Aportar 14.520 € para a execución do proxecto.
3. Destinar os fondos percibidos para financiar esa actuación.
4. Consentir expresamente a publicación da axuda concedida no Diario Oficial de Galicia, na páxina web oficial e nos rexistros públicos, consonte co establecido no artigo 15 da Lei 1/2016, do 18 de xaneiro, de transparencia e de bo goberno, no Decreto 126/2006, do 20 de xullo, polo que se regula o Rexistro de Convenios da Xunta de Galicia, no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006 e no artigo 16 da Lei 9/2007, do 13 de xuño, de subvencións de Galicia.
5. De acordo co disposto na Lei 9/2007, do 13 de xuño de subvencións públicas de Galicia e o Decreto 11/2009, do 8 de xaneiro, polo que se aproba o Regulamento da Lei de subvencións de Galicia, o Fondo Galego comprométese a dar axeitada publicidade do carácter público do financiamento das actuacións obxecto do convenio, o cumprimento de tódalas condicións e obrigas recollidas neste convenio, e o sometemento ás actuacións de supervisión e control previstas no mesmo, así como as xerais derivadas da aplicación da normativa de axudas e subvencións.
6. Prestar a colaboración e facilitar canta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma e ao Consello de Contas.
7. Conservar todos os comprobantes de gasto durante un período de 4 anos, coa excepción dos casos suficientemente xustificadas e autorizados pola Dirección Xeral de Relacións Exteriores e coa UE.
8. Xustificar, previamente ao cobro de calquera dos pagos da subvención, estar ao corrente no cumprimento das obrigas tributarias e fronte á Seguridade Social española e non ter pendente de



pagamento ningunha outra débeda coa administración pública da Comunidade Autónoma de Galicia, nin ser debedor por resolución de procedencia de reintegro. A entidade, conforme co establecido no artigo 20.3 da Lei 9/2007, do 13 de xuño, de subvencións de Galicia, autoriza ao órgano xestor para solicitar as certificacións que deban remitir a Axencia Estatal da Administración Tributaria, a Tesourería da Seguridade Social e a Consellería de Economía e Facenda da Xunta de Galicia.

9. Velar por que tanto os restantes partícipes como a cidadanía con ela relacionada teñan coñecemento do financiamento desembolsado pola Xunta de Galicia e do apoio desta á acción.
10. Solicitar autorización previa e expresa para calquera modificación substancial do proxecto, entendendo por tal aquela que afecte aos obxectivos, resultados, prazo de execución ou variación do custo total do proxecto ou das partidas orzamentarias en máis dun 20% do inicialmente aprobado. As solicitudes de modificacións substanciais do convenio deberán estar suficientemente motivadas e ser formuladas por escrito dirixido ao director xeral de Relacións Exteriores e coa UE, que resolverá e notificará no prazo dun mes sobre a súa autorización ou denegación.

TERCEIRA.- Obrigas da Consellería.

A Vicepresidencia e Consellería de Presidencia, Administracións Públicas e Xustiza, do custo total do proxecto que se estima en cincuenta e catro mil cincocentos vinte euros (54.520,00€), aboará ao Fondo Galego a contía máxima de corenta mil euros (40.000,00 €) con cargo á aplicación orzamentaria 05.26.331A.481.2 do orzamento vixente para o 2017.

O Fondo Galego poderá recorrer a terceiras fontes ou a diversos patrocinadores externos, previa consulta á Dirección Xeral de Relacións Exteriores e coa UE, pero en calquera caso todo incremento nos custos de execución será a risco e ventura da entidade, quen asumirá os custos asociados aos proxectos derivados da supervisión técnica, para dar fiel cumprimento aos obxectivos do proxecto.

A subscrición do presente convenio non implicará relación laboral, ou de calquera outra natureza, entre as persoas ou profesionais que desenvolvan as accións que constitúen o obxecto deste convenio coa Xunta de Galicia, de tal



maneira que por este concepto non se poderá esixir responsabilidade algunha, nin directa nin subsidiaria.

CUARTA.- Pagos anticipados.

Trala sinatura do presente Convenio e previa petición do Fondo Galego, a Dirección Xeral de Relacións Exteriores e coa UE, tendo en conta o carácter sen ánimo de lucro da entidade, a non dispoñibilidade doutras fontes de financiamento que permitan iniciar as actividades, concederá un anticipo pola contía máxima da subvención concedida, de acordo co previsto na Disposición adicional segunda da Lei 9/2007, do 13 de xuño, de subvencións de Galicia, para afrontar os pagos inmediatos que conleve a execución deste proxecto.

Coa solicitude do anticipo deberá presentar:

- Declaración do conxunto das axudas recibidas doutras entidades públicas o privadas para o mesmo fin, de acordo co establecido nos artigos 11 letra d) da citada Lei 9/2007 e 22 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.
- Xustificación de estar ao corrente no cumprimento das obrigas tributarias e fronte á Seguridade Social española e non ter pendente de pago ningunha outra débeda coa administración pública da comunidade Autónoma de Galicia, nin ser debedor por resolución de procedencia de reintegro de acordo co establecido no artigo 10.3 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

QUINTA. Xustificación do proxecto.

A xustificación da execución do proxecto efectuarase por parte do Fondo Galego nun prazo máximo de tres meses, a contar dende a finalización das actividades programadas, de conformidade co establecido no artigo 28 da Lei 9/2007, do 13 de xuño, de subvencións de Galicia, e con data límite do 31 de marzo de 2018.

A xustificación final da realización das actividades subvencionadas e da consecución dos obxectivos previstos revestirá a modalidade de conta xustificativa con entrega de xustificantes de gasto, de conformidade co



establecido nos artigos 28 da Lei 9/2007 e 48 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

A entidade beneficiaria deberá presentar un informe que constará de dúas partes:

1ª parte: xustificación técnica, que incluírá:

- Un informe final sobre os obxectivos, actividades realizadas e os resultados obtidos.
- Certificación acreditativa do cumprimento da finalidade para a que foi concedida a subvención e da aplicación dos fondos á finalidade destinada, expedida polo órgano competente do Fondo Galego .

2ª parte: xustificación económica, que incluírá:

- Certificación de gastos do proxecto por partidas orzamentarias e no que se indique as distintas fontes de financiamento, expedida polo órgano competente do Fondo Galego .
- Declaración do conxunto das axudas recibidas doutras entidades públicas ou privadas para o mesmo fin, de acordo co establecido nos artigos 11 letra d) da citada Lei 9/2007 e 22 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.
- Relación de todos os gastos efectuados con identificación da data, número da factura o do documento xustificativo, identificación do emisor das mesmas, descrición do gasto, importe en euros e a data e forma de pago dos mesmos.
- Facturas u outros documentos xustificativos de valor probatorio equivalente no tráfico xurídico mercantil ou con eficacia administrativa incorporados na relación a que se fai referencia no apartado anterior.

Os fondos faranse chegar por transferencia bancaria á conta corrente que o Fondo Galego indique, non asumindo a Xunta de Galicia os gastos bancarios a que houbera lugar por ese motivo.

A alteración das condicións tidas en conta para a concesión das subvencións, e, en todo caso, a obtención concorrente de axudas outorgadas por outras

administracións, entes públicos ou privados, poderá dar lugar á modificación da resolución de concesión.

Esta subvención será compatible con calquera outra procedente doutras administracións públicas ou entes públicos ou privados para a mesma finalidade, sempre que o importe total das mesmas non supere o custo total do proxecto subvencionado.

Os rendementos financeiros que fosen xerados polos fondos librados aos beneficiarios incrementarán o importe da subvención concedida e aplicaranse igualmente ás actividades subvencionadas.

Os gastos acreditaranse mediante facturas e demais documentos de valor probatorio equivalente no tráfico xurídico mercantil ou con eficacia administrativa. Con carácter previo á realización da copia, é obrigatoria a impresión dun selo- dilixencia en todos os documentos orixinais (facturas, recibos ou outros) de gastos. Nela debe figurar « Convenio financiado pola XUNTA DE GALICIA », ano do financiamento, título abreviado do proxecto e a porcentaxe de financiamento que lle imputa a cada financiador. No suposto de documentos de gasto nos que resulte imposible a impresión de tal selo- dilixencia, como consecuencia do seu tamaño, acompañaranse cunha relación dos mesmos en que se faga constar a mencionada dilixencia.

Con carácter excepcional, nos supostos debidamente xustificadas e motivados poderase aceptar a xustificación do pago en efectivo para importes inferiores a 1.000€, acompañando xustificante do cobro do proveedor, conforme establece o artigo 42.3 do Decreto 11/2009, do 8 de xaneiro, polo que se aproba o Regulamento da Lei 9/2007, de subvencións de Galicia. Para gastos superiores a 1.000 € non poderán aceptarse pagos en efectivo, nin a través de cheque.

SEXTA.- Facultades de inspección.

A Vicepresidencia e Consellería a través dos seus servizos técnicos resérvanse a facultade de realizar as inspeccións e comprobacións que consideren necesarias co fin de asegurar o cumprimento das normas e requisitos cos que se concede esta axuda.



SÉTIMA.- Publicidade.

O Fondo Galego obrígase a incorporar de forma visible en todas as accións derivadas das actividades subvencionadas (placas, letreiros, carteis, publicacións, material de difusión, publicidade e outros medios análogos) os logotipos oficiais da Xunta de Galicia e da Cooperación Galega, todo iso en formato duradeiro e material resistente para a debida difusión da orixe da subvención. Cando a organización financiada exhiba o seu propio logotipo, o da Xunta de Galicia e o da cooperación galega deberá figurar co mesmo tamaño e con iguais condicións de seguridade. Os logotipos serán facilitados pola Dirección Xeral de Relacións Exteriores e coa UE.

OITAVA.- Seguimento do convenio.

Para facilitar o seguimento e cumprimento do convenio, constituirase unha Comisión Mixta, integrada por un representante da Vicepresidencia e Consellería de Presidencia, Administracións Públicas e Xustiza designado pola Dirección Xeral de Relacións Exteriores e coa Unión Europea, e un representante da entidade Fondo Galego.

A Comisión Mixta ditará a súas propias normas de funcionamento, debéndose reunir cando o solicite algunha das partes.

As súas funcións serán:

- Interpretación do convenio.
- Intervención previa á resolución por incumprimento.
- Calquera outra relacionada co desenvolvemento do presente convenio.

NOVENA.- Causas de resolución.

O presente convenio resolverase:

- a) Por incumprimento total ou parcial dalgunha das estipulacións que o regulan.
- b) A aplicación dos fondos para fins distintos dos que motivaron a súa concesión
- c) Polo transcurso do tempo fixado sen que se execute o investimento obxecto da subvención.



d) Polo desestamento do Fondo Galego.

De resolverse o convenio, a Consellería poderá, no seu caso, esixir o reintegro das cantidades achegadas. Igualmente, de conformidade co disposto no artigo 17.3 da Lei 9/2007, do 13 de xuño, procederá o reintegro do exceso percibido no suposto de que o importe da axuda, illada ou en concorrencia con subvencións ou axudas, ingresos ou recursos, supere o custo da actividade subvencionada.

DÉCIMA.- Vixencia do Convenio.

O presente convenio manterá a súa vixencia ata o 31 de decembro de 2017 incluíndo as actuacións iniciadas desde o mes de xaneiro de 2017, conforme o establecido nos artigos 2 apartado 1.b) da Lei 9/2007 de subvencións de Galicia e 2.2.b do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, sen prexuízo da execución anticipada e conforme, a plena satisfacción, dos gastos cofinanciados pola achega da Xunta de Galicia.

DÉCIMO PRIMEIRA.- Natureza do Convenio.

O presente convenio ten natureza administrativa e as discrepancias que xurdan pola súa aplicación serán resoltas no prazo dun mes, previo informe ou proposta da comisión de seguimento, pola Consellaría de Presidencia, Administracións Públicas e Xustiza, quedando as partes suxeitas á xurisdición contencioso administrativa, nos termos establecidos na Lei 29/1998, do 13 de xullo, reguladora da Xurisdición Contencioso - Administrativa para a resolución de calquera conflito que puidese xurdir na súa aplicación.

DÉCIMO SEGUNDA. – Portal da Transparencia

As partes asinantes do convenio manifestan o seu consentimento para que os datos persoais que constan neste convenio, así como o resto das especificacións contidas no mesmo, podan ser publicados no Portal da Transparencia e Goberno Aberto.

En cumprimento do disposto nos artigos 18 e 20.8 da Lei 38/2003, do 17 de novembro, xeral de subvencións, comunicárase a subscrición deste convenio á



Base de Datos Nacional de Subvencións, que opera como sistema nacional de publicidade de subvencións.

DÉCIMO TERCEIRA.- Reintegro por incumplimento

Se a entidade beneficiaria incorrese en falsidade ou ocultación de datos ou non acreditase, total ou parcialmente, o bo fin das cantidades percibidas, deberá proceder ao reintegro da totalidade destas en caso de incumplimento pleno, ou da parte proporcional en caso dunha falta parcial de xustificación, sen prexuízo da esixencia das responsabilidades administrativas e penais a que proceda. Así mesmo, a entidade beneficiaria deberá reintegrar a subvención nos demais supostos previstos na normativa de aplicación.

DÉCIMO CUARTA. - Normativa aplicable.

O presente convenio rexeráse polo disposto na Lei 9/2007, do 13 de xuño, de subvencións de Galicia e no Decreto 11/2009 do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, Lei 1/2016, do 18 de xaneiro, de transparencia e bo goberno, na Lei 1/2017, do 8 de febreiro, de orzamento xerais da Comunidade Autónoma para o ano 2017 e demais normativa que sexa de aplicación.

E en proba de conformidade co expresado neste convenio, asínase por duplicado polas partes comparecentes no lugar e data que se sinalan no encabezamento.

O VICEPRESIDENTE E
CONSELLEIRO DE PRESIDENCIA,
ADMINISTRACIÓNS PÚBLICAS E
XUSTIZA



Alfonso Rueda Valenzuela

POLO FONDO GALEGO DE
COOPERACIÓN E
SOLIDARIDADE
O PRESIDENTE

Juan Antonio González Pérez

ANEXO

OBXECTIVOS, ACTIVIDADES A DESENVOLVER E FINANCIAMENTO

1.- OBXECTIVOS E ACTIVIDADES A DESENVOLVER.

Obxectivo específico: Promovida a participación e implicacións das administracións locais galegas na área de cooperación ao desenvolvemento.

RESULTADO 1.1 : A cooperación municipalista resulta fortalecida e recoñecida.

Actividade 1.1.1: Formación en cooperación e políticas públicas locais

Actividade 1.1.2: Conmemoración do 20 aniversario do Fondo Galego.

RESULTADO 1.2: Incrementada a implicación dos concellos e deputacións galegas na área de cooperación ao desenvolvemento.

Actividade 1.2.1: Vacacións con traballo

Actividade 1.2.2: Vacacións con traballo en Galicia

RESULTADO 1.3: As administracións locais galegas promoven actividades de sensibilización para a cidadanía

Actividade 1.3.1: Elaboración dunha exposición sobre os Obxectivos de Desenvolvemento Sustentable (ODS)

Actividade 1.3.2: Espectáculo de *clown* sobre as fronteiras e as refuxiadas

Actividade 1.3.3: Actuacións de Batuko Tabanka



2.- RESUMEN FINANCIACIÓN.

Partidas orzamentarias	Xunta de Galicia	Fondo Galego
Axudas de custo, gastos de desprazamento e remuneracións	9.680,00	-----
Actividade formativa e/ou de sensibilización	18.320,00	2.520,00
Persoal	12.000,00	12.000,00
ORZAMENTO TOTAL PROXECTO	40.000,00 €	14.520,00 €
ORZAMENTO TOTAL PROXECTO	54.520,00 €	



